

Na osnovu člana 11. Odluke o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle („Službeni glasnik Grada Tuzla“ broj: 4/19, 8/19, 9/19 i 10/19), Grad Tuzla, **dana 03.02.2020. godine**, objavljuje:

**JAVNI POZIV  
za dodjelu sredstava za sufinansiranje mjera smanjenja aerozagađenja  
na području grada Tuzle u 2020. godini**

**I PREDMET JAVNOG POZIVA**

Predmet ovog javnog poziva je dodjela sredstava iz Budžeta Grada Tuzle za 2020. godinu za sufinansiranje mjera smanjenja aerozagađenja u individualnim stambenim i individualnim stambeno-poslovnim objektima na području grada Tuzle.

Pod mjerama smanjenja aerozagađenja koje su predmet sufinansiranja podrazumijevaju se nabavka i ugradnja toplotnih pumpi sa pratećom opremom i radovima, i “utopljavanje” objekata u vidu nabavke i ugradnje materijala za izolaciju vanjskih zidova i tavanice objekata i nabavke i ugradnje vanjske stolarije.

Mjere smanjenja aerozagađenja koje nisu predmet sufinansiranja podrazumijevaju nabavku i ugradnju kotlova sa pogonom na drvenu biomasu i uređaja za zagrijavanje sa pogonom na električnu energiju, kao i nabavku i ugradnju toplinske podstanice ukoliko se radi o objektima za koje se može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

**II IZNOS SREDSTAVA ZA SUFINANSIRANJE**

Dodjela sredstava za sufinansiranje mjera smanjenja aerozagađenja vrši se u iznosu do 50% od vrijednosti nabavke i ugradnje toplotne pumpe sa pratećom opremom i radovima, odnosno vrijednosti nabavke i ugradnje materijala za izolaciju vanjskih zidova, tavanice i nabavke i ugradnje vanjske stolarije, a ne više od 5.000,00 KM.

U okviru navedenog iznosa Grad Tuzla će finansirati troškove izvršenog energijskog pregleda objekta, ali ne više od 2 KM/m<sup>2</sup> građevinske bruto površine, osim u slučaju kada podnosilac prijave odustane od prijave, u kojem slučaju sam snosi navedene troškove.

**III PREDMET PRIJAVE NA JAVNI POZIV**

Predmet prijave na ovaj javni poziv mogu biti individualni stambeni i individualni stambeno-poslovni objekti na području grada Tuzle koji za zagrijavanje koriste uređaj sa pogonom na fosilno gorivo, pod uslovom da se za objekat koji je predmet prijave na javni poziv ne može osigurati načelna saglasnost JKP „Centralno grijanje“ d.d. Tuzla za priključenje na sistem daljinskog grijanja.

Izuzetno, predmet prijave na javni poziv u dijelu koji se odnosi na mjere “utopljavanja” objekata mogu biti i individualni stambeni i individualni stambeno-poslovni objekti na području grada Tuzle za koje se može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

**IV POTREBNA DOKUMENTACIJA**

Podnosilac prijave dužan je dostaviti sljedeće dokumente kojima dokazuje da ispunjava uslove za dodjelu sredstava za sufinansiranje mjera smanjenja aerozagađenja:

(a) dokaz o prijavljenom prebivalištu na adresi objekta koji je predmet prijave na javni poziv - obrazac izdat od strane MUP-a TK, ne stariji od 6 (šest) mjeseci, računajući od objave javnog poziva,

(b) zemljišnoknjižni izvadak, ne stariji od 6 (šest) mjeseci, izdat od strane Općinskog suda u Tuzli za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv ukoliko se radi o objektu koji nije uplanjen, zajedno sa ovjerenom izjavom suvlasnika, ukoliko je objekat, odnosno parcela u suvlasništvu, kojom se daje saglasnost za implementaciju mjera u objektu koji je predmet prijave na javni poziv,

(c) građevinsku ili upotrebnu dozvolu izdatu od strane nadležnog organa, odnosno dokaz da je objekat koji je predmet prijave na javni poziv uplanjen ili dokaz da je pokrenut postupak legalizacije objekta koji je predmet prijave,

(d) izjavu podnosioca prijave da je saglasan da će Komisiji za provođenje postupka po javnom pozivu osigurati pristup objektu u cilju utvrđivanja činjenice da se za zagrijavanje objekta koji je predmet prijave na javni poziv kao energent koriste fosilna goriva, kao i da je saglasan da Služba za komunalne poslove, izgradnju i poslove mjesnih zajednica pribavi za potrebe osiguranja dokaza o boravištu na adresi objekta koji je predmet prijave na javni poziv, putem JP "Elektroprivreda" d.d. Sarajevo, Podružnica "Elektrodistribucija" Tuzla, račune za uslugu snabdijevanja električnom energijom, za period od 3 (tri) mjeseca prije objave javnog poziva.

(e) izjavu podnosioca prijave da će u roku od najkasnije 24 (dvadesetčetiri) mjeseca, računajući od dana implementacije mjera smanjenja aerozagađenja u dijelu koji se odnosi na "utopljanje" objekata, prijaviti se na javni poziv za sufinansiranje mjera smanjenja aerozagađenja u dijelu koji se odnosi na nabavku i ugradnju toplotne pumpe ili o vlastitom trošku izvršiti nabavku i ugradnju kotla sa pogonom na drvenu biomasu ili uređaja za zagrijavanje sa pogonom na električnu energiju, odnosno o vlastitom trošku izvršiti nabavku i ugradnju toplinske podstanice i priključiti se na sistem daljinskog grijanja ukoliko se radi o objektima za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

(f) izjavu podnosioca prijave ovjerenu kod nadležnog organa da po izvršenoj ugradnji toplotne pumpe istu neće otuđiti i koristiti uređaj koji je koristio za zagrijavanje objekta do ugradnje toplotne pumpe, odnosno da neće koristiti uređaj za zagrijavanje objekta sa pogonom na fosilna goriva, izjavu podnosioca prijave da po implementaciji mjera smanjenja aerozagađenja u dijelu koji se odnosi na „utopljanje“ objekata i u dijelu koji se odnosi na nabavku i ugradnju kotlova sa pogonom na drvenu biomasu i uređaja za zagrijavanje sa pogonom na električnu energiju, kao i nabavku i ugradnju toplinske podstanice ukoliko se radi o objektima za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja, neće koristiti uređaj za zagrijavanje sa pogonom na fosilno gorivo, kao i da će u roku od 24 (dvadesetčetiri) mjeseca, računajući od dana ugradnje toplotne pumpe, legalizirati objekat koji je predmet prijave, ukoliko se radi o objektu za koji je dostavljen dokaz da je pokrenut postupak legalizacije.

Obrasci izjava iz podtački b), d), e) i f) su u prilogu ovog javnog poziva i podnosioci prijave iste mogu preuzeti u Centru za pružanje usluga građanima (protokol Grada Tuzle) ili na zvaničnoj web stranici Grada Tuzla ([grad.tuzla.ba](http://grad.tuzla.ba)).

Podnosilac prijave dužan je dokaze o ispunjavanju uslova za dodjelu sredstava za sufinansiranje dostaviti u **originalu ili ovjerenoj fotokopiji, uz obaveznu naznaku kućne adrese i broja telefona podnosioca prijave.**

**Podnosioci prijave dužni su dostaviti svu dokumentaciju iz ove tačke javnog poziva, bez obzira na činjenicu da li je predmet prijave nabavka i ugradnja toplotnih pumpi sa pratećom opremom i radovima ili "utopljanje" objekata u vidu nabavke i ugradnje materijala za izolaciju vanjskih zidova i tavanice objekata i nabavke i ugradnje vanjske stolarije.**

**Dokazi o ispunjavanju uslova za dodjelu sredstava za sufinansiranje dostavljeni po ranijim javnim pozivima, a koji su ocijenjeni kao prihvatljivi, mogu se uvažiti u ovom javnom pozivu, te je podnosilac prijave po ovom javnom pozivu dužan dostaviti prijavu sa dokazima koji su ocijenjeni kao neprihvatljivi i/ili dokazima koji nisu dostavljeni u prvobitnoj prijavi.**

#### **NAPOMENA:**

Ostale dokaze o ispunjavanju uslova za dodjelu sredstava za sufinansiranje mjera smanjenja aerozagađenja Grad Tuzla pribavlja po službenoj dužnosti.

Dokaz o energijskom pregledu objekta koji je predmet prijave na javni poziv, izvršen od strane ovlaštenog lica u skladu sa Zakonom o energijskoj efikasnosti u Federaciji Bosne i Hercegovine ("Službene novine Federacije BiH", broj: 22/17), koji uključuje predmjer i predračun radova koji su predmet predloženih mjera, podnosioci prijave dužni su dostaviti u roku do 45 (četrdesetpet) dana,

računajući od dana posljednje objave preliminarnе liste kojom se utvrđuje ispunjavanje uslova iz ove tačke javnog poziva.

**Informaciju o licima ovlaštenim za vršenje energijskog pregleda objekta zainteresovana lica mogu dobiti u Federalnom ministarstvu prostornog uređenja, putem telefona +387 33 726 516, ili linka [www.ee-infos.ba/registri/](http://www.ee-infos.ba/registri/).**

Smatra se da je podnosilac prijave koji u roku do 45 (četrdesetpet) dana od dana posljednje objave preliminarnе liste ne dostavi dokaz o energijskom pregledu objekta koji je predmet prijave na javni poziv odustao od prijave na javni poziv.

Preliminarna lista i konačne rang liste objavljuju se na oglasnoj tabli i web stranici Grada Tuzle, kao i oglasnim tablama mjesnih zajednica.

Na preliminarnu listu podnosilac prijave može podnijeti prigovor pomoćniku gradonačelnika za Službu za komunalne poslove, izgradnju i poslove mjesnih zajednica, u roku od 8 (osam) dana, računajući od dana posljednje objave preliminarnе liste.

**Realizaciji mjera predviđenih energijskim pregledom podnosioci prijave mogu pristupiti tek po davanju prethodne saglasnosti na energijski pregled od strane Komisije imenovane rješenjem Gradonačelnika, objavi konačne rang liste i zaključenju ugovora o sufinansiranju koji će sadržavati prava, obaveze i odgovornosti ugovornih strana.**

**Dodjela sredstava za sufinansiranje mjera smanjenja aerozagađenja vrši se nakon što podnosilac prijave u potpunosti i o vlastitom trošku implementira mjere predviđene energijskim pregledom i nakon što dostavi račune za implementirane mjere, zajedno sa dokazom o izvršenom plaćanju računa od strane podnosioca prijave.**

## **V KRITERIJ ZA DODJELU SREDSTAVA**

Kriterij za rangiranje podnosilaca prijave na javni poziv u okviru konačne rang liste predstavlja iznos vrijednosti utroška toplotne energije izražen u kWh/m<sup>2</sup> godišnje.

Smatra se da je prvi na konačnoj rang listi podnosilac prijave čiji objekat po izvršenom energijskom pregledu ima najnižu vrijednost utroška toplotne energije.

## **VI ROK I NAČIN PODNOŠENJA PRIJAVA NA JAVNI POZIV**

Javni poziv ostaje otvoren 15 (petnaest) dana, zaključno sa danom 18.02.2020. godine, a objavit će se na oglasnoj tabli i web stranici Grada Tuzle, kao i na oglasnim tablama mjenih zajednica na području grada Tuzle.

Neblagovremene prijave i prijave koje nisu dostavljene u skladu sa tačkom IV javnog poziva neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj kovrti putem Centra za pružanje usluga građanima (protokol Grada Tuzle) ili preporučeno poštom na adresu:

### **GRAD TUZLA**

**Služba za komunalne poslove, izgradnju i poslove mjesnih zajednica**

**Ul. ZAVNOBIH-a broj 11, 75000 Tuzla, Bosna i Hercegovina**

sa naznakom:

**„Prijava na Javni poziv za dodjelu sredstava za sufinansiranje mjera smanjenja aerozagađenja na području grada Tuzle za 2020. godinu – NE OTVARATI“**

Sve dodatne informacije o načinu i postupku učešća u javnom pozivu mogu se dobiti u Službi za komunalne poslove, izgradnju i poslove mjesnih zajednica Grada Tuzle, Komisija za provođenje postupka po javnom pozivu, direktno ili putem telefona +387 35 307 340.